	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
S A R A J E V O

Broj: 18-04-633-7/24.
Sarajevo, 14.03.2024.god.


Na osnovu člana 64. stav (1) tačka b), člana 70. stav 1. i 3. Zakona o javnim nabavkama Bosne i Hercegovine („Službeni glasnik BiH“ br. 39/14 i 59/22) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 18-04-632/24 od 19.02.2024.godine, Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. Prihvata se Izvještaj o radu Komisije za javne nabavke i preporuka za dodjelu ugovora, broj: 18-04-633-6/24 od 14.03.2024.godine, te se ugovor za javnu **nabavku i isporuku kokošijih jaja za potrebe KJU „Gerontološki centar“ Sarajevo**, dodjeljuje ponuđaču “Lala i Lačo” d.o.o., ul. 1. Maj br. 14., Bijeljina, Ponuda 169/24 od 05.03.2024. godine, **za ponudenu cijenu nakon uspješno završene e aukcije u iznosu od 39600,00 KM bez PDV-a, odnosno 46.332,00 KM sa PDV-om.**
2. Prijedlog ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.
3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.
4. Shodno članu 70. stav (6) Zakona o javnim nabavkama, ova Odluka će se objaviti na web stranici www.gcs.ba istovremeno sa upućivanjem ponuđačima koji su učestvovali u postupku javne nabavke.
5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Ponovljeni postupak za **nabavku i isporuku kokošijih jaja za potrebe KJU „Gerontološki centar“ Sarajevo**, pokrenut je Odlukom broj: 18-04-633/24 od 19.02.2024. godine. Javna nabavka je provedena putem otvorenog postupka javne nabavke.

	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

Procijenjena vrijednost predmetne nabavke za period od dvije godine iznosi: 48.600,00 KM bez PDV-a.

Na osnovu Odluke o pokretanju postupka br: 18-04-633/24 od 19.02.2024.god., obavještenja o nabavci br: 897-1-1-44-3-18/24 objavljenog na Portalu javnih nabavki dana 19.02.2024.god. i sažetka obavještenja o nabavci objavljenog u Službenom glasniku BiH br. 14/24, u predviđenom roku, tendersku dokumentaciju su preuzeli sljedeći ponuđači:

Na osnovu Odluke o pokretanju postupka br: 18-04-633/24 od 19.02.2024.god., obavještenja o nabavci br: 897-1-1-44-3-18/24 objavljenog na Portalu javnih nabavki dana 19.02.2024.god. i sažetka obavještenja o nabavci objavljenog u Službenom glasniku BiH br. 14/24, u predviđenom roku, primljene su četiri ponude, koje su podnijeli:

- “Lala i Laćo” d.o.o., ul. 1. Maj br. 14., Bijeljina
- “Vinojug” d.o.o., ul. Igmanska br.2-4., Sarajevo
- “UTD SOFA” d.o.o., ul. Mitra Šućura br.1., Vogošća
- “VEGA-PAK” d.o.o., ul. Mostarska br.3, Hadžići


Komisija za javne nabavke je imenovana Rješenjem broj: 18-04-632/24 od 19.02.2024.godine.

Krajnji rok za dostavu ponuda je bio 11.03.2024. godine do 08:30. Dana 11.03.2024.godine u 09:00 sati je izvršeno javno otvaranje prispjelih ponuda.

Komisija za javne nabavke je dostavila dana 14.03.2024. godine Zapisnik o pregledu i ocjeni ponuda broj: 18-04-633-5/24 od 11.03.2024. godine i Izvještaj o radu Komisije za javne nabavke i preporuka za dodjelu ugovora, broj: 18-04-633-6/24 od 14.03.2024. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4,
 - da su blagovremeno zaprimljeno 4 ponuda,
 - da nema neblagovremeno zaprimljenih ponuda,
 - da su pristigle ponude ponuđača:
1. “Lala i Laćo” d.o.o., ul. 1. Maj br. 14., Bijeljina
 2. “Vinojug” d.o.o., ul. Igmanska br.2-4., Sarajevo
 3. “UTD SOFA” d.o.o., ul. Mitra Šućura br.1., Vogošća
 4. “VEGA-PAK” d.o.o., ul. Mostarska br.3, Hadžići

	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

U fazi pregleda i ocjene ponuda, Komisija za javne nabavke konstatuje da se ponuda ponuđača 3. “UTD SOFA” d.o.o., ul. Mitra Šućura br.1., Vogošća isključuje za dalje učešće u postupku nabavke.

I Ponuđač “UTD SOFA” d.o.o., ul. Mitra Šućura br.1., Vogošća

Članom 2. stav 4. alineja 1) pod 2. Zakona o javnim nabavkama BIH („Službeni glasnik BIH“, broj 39/14 i 59/23) navedeno je:

„ 1) **Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:**

1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;

2) **neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;**

3) **nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.“**

1) Tačkom 7.4. Tenderske dokumentacije „**TEHNIČKA I PROFESIONALNA SPOSOBNOST- u smislu člana 49. Zakona**“, tačkom 7.4.1. **Da bi učestvovao u konkretnom postupku javne nabavke, ponuđač mora zadovoljavati sljedeće uslove tehničke i profesionalne sposobnosti**, između ostalog navedeno je: „...U svojoj ponudi ponuđači trebaju dostaviti Izjavu ovjerenu i potpisanu od strane lica ovlaštenog za zastupanje, da u smislu člana 49. Zakona o javnim nabavkama ispunjava uslove definisane tačkom 7.4.1. ove tenderske dokumentacije. Izjava se dostavlja u formi utvrđenoj Aneksom 7. tenderske dokumentacije...;“


Uvidom u Ponudu ponuđača “UTD SOFA” d.o.o., ul. Mitra Šućura br.1., Vogošća, broj: 1 od 29.02.2024. god., Komisija za javne nabavke je prilikom pregleda iste konstatovala da je navedeni ponuđač dostavio Aneks 7. tenderske dokumentacije, ali **bez navođenja položaja** u privrednom društvu ili obrtu ili srodnoj djelatnosti, kako je to traženo tenderskom dokumentacijom.

2) Tačkom 7.1. Tenderske dokumentacije „**LIČNA SPOSOBNOST**“, tačkom 7.1.2. navedeno je :“U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa za ovjeru dokumenata, da se na njih ne odnose slučajevi definisani tačkom 7.1.1. od a) do d) tenderske dokumentacije. Izjava se dostavlja u formi utvrđenoj Aneksom 6. tenderske dokumentacije.

Datum izdavanja navedene Izjave ne smije biti stariji od 20 dana računajući od dana dostavljanja ponude (pod danom dostavljanja ponude smatra se dan/datum, koji je ugovorni organ, odredio u tenderskoj dokumentaciji kao dan/datum za prijem ponuda).

Ponuđač će biti isključen iz daljeg učešća zbog neispunjavanja navedenog uslova za kvalifikaciju, ukoliko se u ponudi ne dostavi navedena Izjava, na način na koji je traženo.“

Uvidom u Ponudu ponuđača “UTD SOFA” d.o.o., ul. Mitra Šućura br.1., Vogošća, broj: 1 od 29.02.2024. god., Komisija za javne nabavke je prilikom pregleda iste konstatovala da je navedeni ponuđač dostavio Aneks 6. tenderske dokumentacije, ali **bez navođenja položaja** u privrednom društvu ili obrtu ili srodnoj djelatnosti, kako je to traženo tenderskom dokumentacijom.

	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

3) Tačkom 7.6. Tenderske dokumentacije **SUKOB INTERESA - u smislu člana 52. Zakona**, tačkom 7.6.1. između ostalog navedeno je :“ U skladu sa članom 52. Zakona, kao i sa drugim važećim propisima u BiH, Ugovorni organ preduzima odgovarajuće mjere kako bi efikasno spriječio, prepoznao i uklonio sukobe interesa u vezi sa postupkom javne nabavke, a radi izbjegavanja narušavanja tržišnog takmičenja i osiguranja jednakog postupanja prema svim privrednim subjektima.

Ponuđač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 8)....“

Uvidom u Ponudu ponuđača “UTD SOFA” d.o.o., ul. Mitra Šućura br.1., Vogošća, broj: 1 od 29.02.2024. god., Komisija za javne nabavke je prilikom pregleda iste konstatovala da je navedeni ponuđač dostavio Aneks 8. tenderske dokumentacije, ali **bez navođenja položaja** u privrednom društvu ili obrtu ili srodnoj djelatnosti, kako je to traženo tenderskom dokumentacijom.


4) Tačkom 8.1.4. Tenderske dokumentacije, između ostalog, naveden je i način pripreme ponude:
*„Ponuda se izrađuje na način da čini cjelinu. Ponude se pišu neizbrisivom tintom. Ispravke u ponudi moraju biti vidljive i potvrđene potpisom i pečatom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova, osim garantnih dokumenata. Pod čvrstim uvezom podrazumijeva se **ponuda ukoričena u knjigu ili ponuda osigurana jamstvenikom**. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude.“.*

Uvidom u Ponudu ponuđača “UTD SOFA” d.o.o., ul. Mitra Šućura br.1., Vogošća, broj: 1 od 29.02.2024. god., Komisija za javne nabavke je konstatovala da navedeni ponuđač nije čvrsto uvezao ponuda. Uzimajući u obzir naprijed navedeno, navedeni nedostaci ovu ponudu čine nekvalifikovanom za dalje učešće u postupku.

5) Tačkom 9.11.1. Tenderske dokumentacije, između ostalog, navedeno je:
„Ponudači su dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te parafirati sve listove ili stranice Nacrta okvirnog sporazuma.“

Uvidom u Ponudu ponuđača “UTD SOFA” d.o.o., ul. Mitra Šućura br.1., Vogošća, broj: 1 od 29.02.2024. god., Komisija za javne nabavke je konstatovala da navedeni ponuđač nije parafirao sve listove ili stranice dostavljenog Nacrta okvirnog sporazuma. Uzimajući u obzir naprijed navedeno, navedeni nedostaci ovu ponudu čine nekvalifikovanom za dalje učešće u postupku.

Obzirom da je ponuđač “UTD SOFA” d.o.o., ul. Mitra Šućura br.1., Vogošća dostavio dokumentaciju na način da ista nije u skladu sa zahtjevanim iz tenderske dokumentacije, Komisija za javne nabavke je ponudu ovog ponuđača ocijenila nekvalifikovanom, nepravilnom, neprihvatljivom i nepotpunom i kao takvu isključila iz daljeg postupka predmetne nabavke.

	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

Imajući u vidu naprijed navedeno, kao i konstatovane nedostatke u ponudi ovog ponuđača, ista je ocijenjena nekvalifikovanom i neprihvatljivom, te je kao takva isključena iz daljeg postupka javne nabavke.

Uzimajući u obzir naprijed navedeno, navedeni nedostaci ovu ponudu čine nekvalifikovanom za dalje učešće u postupku.

Nakon izvršene analize i ocjene dostavljenih ponuda, te uspješno završene e-aukcije održane dana 14.03.2024. godine u 10:20 sati na kojoj su pravo učešća imali su ponuđači „VINOJUG“ d.o.o., ul. Igmanska br.2-4, Sarajevo, „VEGA-PAK” d.o.o., ul. Mostarska br.3, Hadžići i „LALA I LAĆO“ doo, ul 1. Maj br.14., Bijeljina, ista je uspješno okončana te su ponude rangirane na sljedeći način:

Redni br.	Naziv i sjedište ponuđača	Cijena nakon završene e-aukcije KM (bez PDV-a)
1.	“Lala i Laćo” d.o.o., ul. 1. Maj br. 14., Bijeljina	39600,00 KM
2.	“VEGA-PAK” d.o.o., ul. Mostarska br.3, Hadžići	44465,00 KM
3.	“Vinojug” d.o.o., ul. Igmanska br.2-4., Sarajevo	44509,50 KM


Obzirom da je ponuda ponuđača “Lala i Laćo” d.o.o., ul. 1. Maj br. 14., Bijeljina, u skladu sa tenderskom dokumentacijom, koja je prema kriteriju za izbor ponude (najniža cijena tehnički zadovoljavajuće ponude) i nakon završene e-aukcije, ocijenjena najpovoljnijom, u odnosu na ponudu ponuđača “Vinojug” d.o.o., ul. Igmanska br.2-4., Sarajevo u iznosu od 44609,50 KM bez PDV-a i ponudu ponuđača “VEGA-PAK” d.o.o., ul. Mostarska br.3, Hadžići u iznosu od 44465,00 KM bez PDV-a to Komisija za nabavku predlaže prihvatanje ponude, te shodno članu 70. stav (1) i (3) Zakona o javnim nabavkama, donošenje Odluke o izboru ponude ponuđača “Lala i Laćo” d.o.o., ul. 1. Maj br. 14., Bijeljina, kao najpovoljnije za predmetnu nabavke u iznosu od 39600,00 KM bez PDV-a.

Cijena najpovoljnije ponude nakon završene e-aukcije bez PDV-a iznosi **39600,00 KM**.

Ocjenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač “Lala i Laćo” d.o.o., ul. 1. Maj br. 14., Bijeljina dostavio prihvatljivu ponudu, sa ponuđenom ukupnom cijenom od **39600,00 KM bez PDV-a**.

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 18-04-633-6/24 od 14.03.2024.godine, odlučeno je kao u dispozitivu.

	KJU „GERONTOLOŠKI CENTAR” SARAJEVO ODLUKA O IZBORU NAJPOVOLJNIJEG PONUĐAČA	GC-OB-0322
		Izd/rev 1.0
		Važi od: 24.12.2021.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x „LALA I LAČO“ doo, ul 1. Maj br.14., Bijeljina
- 1x „VINOJUG“ d.o.o., ul. Igmanska br.2-4, Sarajevo
- 1x “VEGA-PAK” d.o.o., ul. Mostarska br.3, Hadžići
- 1x “UTD SOFA” d.o.o., ul. Mitra Šućura br.1., Vogošća
- 1x Sl.za pravne i opće posl.Geront.centra
- 1x Komisija za javne nabavke
- 1x a/a

DIREKTOR

